

آبونه اولمق ایستینلردا اثره عدلیه ده
اداره مخصوصه سنه مراجعت
ایتملیدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

فکرانک

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجر قی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ابرتسی و چهارشنبه کونلری نشر اولنور . محتویاتی امور عدلیه به متعلقدر

توضیحات

محکمه تمیز جزا دائره سی ریاستی محکمه
مشار الیها اعضا سندن عطف قلو صالح بک افندی
حضر تلبینه تفویض بیورلمش و مشار الیه ذاتاً محلف
بولمشدر .

تبدیلات

رسم تمغا قانوننک تاریخ نشری الیه تصحیحات
و تعدیلات اخیره سنک اتمامی آره سنده کی زمانه عائد
اولوب نقصان یاشدیرلمش اولان پوللرک اکیال
نواقصیه اکتفا اوله رق بولندن جزای نقدی
آرانامسی شورای دولته اتخاذ اولنان قرار
اقتضاسندن اولمسنه و مذکور زمانه متعلق اوله رق
محاکمه ابراز اولنوبده رأساً و یا خود اعتراضاً حکم
و قرار آلتنه آلتش اولان جزای نقدیلرک دخی استیفا
اولنامسی لازم کلسنه مبنی بوکی جزای نقدی مقرر ایله
امثالنک عدم تنفیذی خصوصه شورای دولت
تنظیلات دائره سی قرار یله بالاستیدان اراده سنیه
جناب پادشاهی شرف متعلق بیورلدیغی ۲۵ صفر سنه
۱۳۲۵ و ۲۶ مارت سنه ۱۳۲۳ تاریخی بیورلدی سامی
ایله عدلیه نظارت جلیله سنه تبلیغ ایدلمش و اولوجهله
ایفای مقتضاسی ضمننده نظارت مشار الیه ایدر سعادت
و ولایات شاهانه عدلیه مفتش لریله استیناف مدعی
عمومیلرینه تعمماً اجرای تبلیغات اولمشدر .

محاکمات و مقدمات

در سعادت استیناف مدعی عمر میلکندره :

وارنه یه فرار و ارباب فسادده التحاق ایلدیکی
ادعاسیله متهم بولنان صماتیه ده اقامتله پرمق
قپوده چتال خاندده قوندره ما کنه جیلکی ایدن

استانه لی طروس ولد کنیلانوس حقنده اصول
محاکمات جزائییه قانوننک اوچوز یتش برنجی
ماده سی موجبجه معامله مقتضیه ایفا و محاکمه
غیاییه سی بالا اجرا نتیجه سنده مرقومک وارنه یه
فرار ایدرک ارباب فساد ایله سویلشدیکی ثابت
اولدیغندن قانون جزانک الی سکرزنجی ماده سی
حکمنه توفیقاً اوچ سنه قلعه بند ایدلمسنه و او توز
برنجی ماده قانونیه منطوقجه حقوق مدنیه دن
بالا اسقاط اموال مجوزده سنک علی الاصول
اداره ایتدیرلمسنه محکمه جنایتدن حکم اولمش
و اصول محاکمات جزائییه قانوننک اوچوز یتش
یدنجی و اوچوز یتش سکرزنجی و اوچوز
سکسان برنجی ماده لریله مواد سائرده سی
احکامنه توفیق معامله اولنسی مرجعه بیلدیرلمش
اولمغله مذکور اوچوز یتش سکرزنجی ماده نک
جمله احکامندن اولدیغی اوزره اعلان کیفیت
ابتدار قلندی .

در سعادت منابت محکمه مندره :

مقدمای بلغراد شهیندر و کیلی ایکن آتیه یه
فرار ایدرک احوال لثیمانه یه مجاسرت ایتسندن
طولای متهم اولان رائف در دست ایدیله مامش
اولدیغندن اشبو تاریخدن اعتباراً جانب ریاستدن
کندوسنه مجدداً اون کون مهل اعطا قلنمشدر
مهل معین ظرفنده مرقوم محکمه یه کلدیکی حالدده
قانونه اطاعت ایتامش نظریله باقیله رق حقوق
مدنیه دن اسقاط قلنه جنی و علیهنده دعوا یه قیام

اولنسه جنی و بوضره ده برکونه ادعایه حتی
اوله میه جنی و محاکمه غیاییه سی اشناده اموالنک
حجز آلتنه آلتنه جنی و بالجمله ضابطه عدلیه
مأمورلرینک کندوسنی طومتغه مجبور بولندقلری
کبی معاملات حجزیه حقنده دخی مدعی
عمومیلکه تبلیغات مقتضیه اجرا ایدلیدیکی جهته
اصول محاکمات جزائییه قانوننک اوچوز یتش
برنجی و اوچوز یتش ایکنجی ماده لرندن
استنباط اولنان احکامه توفیقاً اشبو قرارنامه
بالتنظیم اعلان اولنور .

محکمه تمیز استدعا دائره سندن تنظیم واعطا
قلنان اعلامدر :

ادرنه ولایتی هیئت اتهامیه سندن لاحق اولوب
۲۷ کانون اول سنه ۱۳۲۱ تاریخنده تبلیغ ایدیلان
وظیفه قرارینی حاوی مضبطه نک تمیزی مستدعی
ولایت مذکوره استیناف محکمه سی مدعی عمومیلکی
طرفندن ویریلان ۲۹ کانون اول سنه ۱۳۲۱ تاریخی
استدعانامه و اوراق متفرعه سی باش مدعی عمومیلک
مأموریت بهیه سنک ۱۵ مارت سنه ۱۳۲۲ تاریخی
تبلیغنامه سیله محکمه تمیز استدعا دائره سنه تودیع
اولمغله لدی التدقیق مذکور استدعانامه نک مدت
قانونیه یه موافق اولدیغی اکلشایدیغندن اوراق مرقومه
دائره جه قرائت و مطالعه اولندی .

مذکور مضبطه نک مالی ادرنه حبسخانه عمومیسنده
محبوس ایکن فرار ایتش و اخیراً در دست ایدلمش
اولان طناش ولد نیقوله نک اسباب فراری تسهیل
ایتمکله مظنون علیهم اولان حبسخانه محافظه مأموری
ژاندارمه ملازمی حاجی نشات افندی و رفقاسی
حقارنده مستنطق طرفندن اجرا قلنان تحقیقات
و تدقیقات نتیجه سنده مظنونون مومی الیه مک افراددن

بولتان طناشک فراری تسیهل ایلرینه و افراد اهلیدن بریه ایقاع جرم ایدن مأمورینک محاکمه سی افراد تبعاً محاکم عدلیه عائد بولندیغه قواعدکله و اوامر علیه اقتضاسندن بولمنسه بناءً حقلرنده تحقیقات اجرا واکلی وظیفه داخلنده اولدیغه وظیفه مرقومونک افعال مذکوره به جراتلری ایسه اقرارلریه نایب اولوب مرقوم طناشک حرکتی قانون جزانک یدنجی و دیگرلریک دخی یوز اون یدنجی ماده لرینه موافق بولنش ایدوکندن مأمورین مومی الهمک مرقوم طناشده برلکده اوله رق استیناف محکمه سی جزا دائره سنده اجرای محاکمه لری لزومه دائر ویریلان قرارنامه علینیه وقوعبولان اعتراض اوزرینه کیفیت هیئت اتهامیه به بالتدقیق افراددن شریک جرم بولنق حسلیله تحقیقات و محاکمک جهت عدلیه به عائدتی انجمن اختلاف و انجمن عدلیه نک مقررات عدیده سی اقتضاسندن اولدیغندن اعتراض واقعک ردیه برموجب قرارنامه اجرای محاکمه لری ضمننده اوراقل استیناف محکمه سی جزا دائره سوسوق لزومه قرار ویرلیدکندن و مذکور استدعایامه به مربوط لایحه ده مندرج اعتراضاتک خلاصه سی دخی کرچه افراد اهلیدن بریه مشترکاً ایقاع جرم ایدن مأمورین ملکیه محاکماتی افراددن اولان اشخاصه تبعاً محاکم عمومی ده رؤیت اوله جنی مرعیت احکامنه اراده سیه حضرت پادشاهی شرفعلق بیوریلان فقره نظامیه احکامی اقتضاسندن بولنش ایسه ده فقره نظامیه مذکوره ده بوبولده مأمور اولانلرک محاکمه آلتیه آلتلری لازم کلدکده مأمورین محاکمه سی نظامیه سیله آتی مفسر اولان ایضاحنامه موجبه اوله اداره تحقیقات اولیه سی اجرا ایدیلرک لزوم محاکمه لرینه قرار ویرلیدن صکره محاکمه آلتیه آلتلری لازم کله جکی مصرح اولمنسه و مأمورین مومی الهمک طوغریدن طوغری به محکمه به سوق ذکر اولتان فقره نظامیه ایله اولباده کی اوامر علیه احکامنه مغایر کورلیدکندن بختله مذکور مضبطه نک تقضی طلبندن و تبلیغنامه نک مفادی دخی لایحه تمیزیه ده درمیان اولتان اعتراضات بجا کورلش اولمنسه مبنی مضبطه مذکور دن تقضی لازم کله جکی بیاندن عبارتدر .

۵۸۸ نومرو لی نسخه ده مندرج در سعادت

جنایت محکمه سی اعلامنک بقیه سی :

محل مذکورده مقیم قوندره جی اندونک زوجیه ایدوکنی بیان ایدن اوتوز بش یاشنده استانه لی ماریفو بنت لازاری دخی لبله وقعه ده ساعت ایک ییق اوج راده لرنده خانه سی اوکنده اوطور مقده ایکن متهملردن قوموشی بریکلنک مقتول عنکلی ایله منازعه ایدرک اغزه التمز درجه ده غایت چیرکین صورته ده اطاله لسان ایتیمکده اولدیغی صروده متهملردن نیقولی دخی کله رک و مرقوم بریکلی ایله برابر اوله رق ینه صورت مستهجنه ده عنکلی به اطاله لسانه باشلامغه مرقوم عنکلی متهم نیقولی به خطاباً سنکله بنم برایشم یوقدر چولق چوجق صاحبسک کیت ایشکه دیو سولسنه رغماً مرقوم نیقولی سب و شتمده دوام ایتسی اوزرینه مقتول عنکلی دخی مقابله اطاله لسان ایتسنه بناءً حدتلان نیقولی طور بوراده بن سنی شمدی بیارم دهرک و خانه سته کیدوب ییقا اوله رق تکرار کلوب عنکلی ایله برلشدکلری و او اراقق مرقوم عنکلی بنسکا نه یاپدمه اوربورسک دیو سولسنی معقب مرقوم نیقولی بریکلنک زوجیه سی پانوله به کیدوب اوردیغی بیان ایتسی و مزبور نه پانوله نکده یا اولور ایسه جوانی ویرمی اوزرینه مزبور دن زوجی مرقوم بریکلنک بن قویدم اورسونده اولدیغی دیو سولسنی مرقوم

و عنکلینک دخی کوکسنی طوته رق خانه سته طوغری کیتدیکنی کوردیکنی افاده مضبوطه سته موافق صورته ده اخبار و شهادتک حضور محکمه ده کی متهمان نیقولی و بریکلی به عائد ایدوکنی تذکار ایلدی .

بو شاهده نک دخی ذات و شهادتنه قارشو نه دبه جکلری متهملردن صورلدقده نیقولی بوشاهده ایله ده منازعه ایتش اولدیغندن شهادتی قبول ایتیمه جکی و فقط منازعه ای اثباتدن عاجز ایدوکنی سرده قیام وشاهده ماریفو قازین شهادتک غرضدن سالم ایدوکنی اعلام و دیگر متهم بریکلی دخی سکوتنده دوام ایلدیلر .

حقوق عمومی به شهوددن اولوب میر آخوردده حاجی مانون زقاغنده اقامت ایدن قسجی نیقولینک زوجیه سی بولان قرق یاشنده یا اولی قریستان بنت یاپادورک و فات ایتدیکی جلینامه سی زیردنکی شرحدن اکلا شلمغه معاون مومی الهمک طلی و جهله مستنطق جانبندن مع القسم مضبوط اولان افاده سنک قرائت ایتدیرلمسنه دائر ویریلان قرار طرفینه بعدالتفهیم مذکور افاده نامه اوقوتدرلقدده وقعه کیجه سی خانه سنده صهده اوطور مقده ایکن نیقولی ایله عنکلینک دیل منازعه سی ایتدکلری و مرقوم نیقولینک عنکلی به چوق فنا لاقیردیلر سولیه رک مؤخرأ سسک براز کسلمسنی معقب نیقولینک تکرار کلدیکی و آرمی برقاچ دقیقه کچرکچمز مرقوم نیقولی اوراده طوروب طلوبه جی رئیسک زوجیه سی قورنلیا ایله و صکرده بریکلی ایله قونوشمه باشلادیغی و کندوسی صوردیغنده نیقولینک عنکلی بی اوردم دیدیکی و فقط اورا ایکن کورمیدیکی خصوصاتندن عبارت کورنمشدر .

لدى السؤال متهملردن نیقولی سب بیان ایتیمه رک شهادت آقسنی دخی قبول ایتیمه جکی سرد ایتدی و بریکلی ده ینه سکوت ایلدی .

اظهار حقه مدار اولق اوزره جانب ریاستدن بعض کسانک جلب واستاعی تنسیب ایدلیدی جهته محاکمه نک شایطک بکرمی یدنجی صالی کونسه تعلق قلندیغی طرفینه اکلا دیله رق شهر مذکورک بکرمی یدنجی کونی متهمان مرقومان علی الاصول توقیفخانه دن کنوردیلرک وکیل و معاون مومی الهم ایله مدعی شخصی مرقوم یورکی حاضر اولدقلری حالدیه اجرای محاکمه علنیه به دوام ایلدی .

اظهار حقه مدار اولق اوزره جلب واستاعلری ریاستجه تنسیب قلتن شهودک دعوت واقعه به اتباعاً ورود ایتدکلری خبر ویرلکله برررر حضور محکمه به چیقاریله رق لدى السؤال طرفینه برکونه قرابت و مناسبت و غرض و خصوصتلی اولدیغی اکلا شلدقندن و اصولی و جهله اخطارات قانونیه ایفا قلندقدن صکره منفرداً و مواجهه استماع اولندقلرندن بولاردن

بولندیغنک دخی خبر ویرلیدیکی و باخصوص مقتولک موکلنک زوجیه سته طاقدیغی ثابت اوله مدیغی و برده موکلنک بالاخره ظهوررکلان برطاقم افادات اوزرینه وقعه دن اوج درت کون صکره دردت اولمنسنک شایان دقت بولندیغی درمیان ایله هر بری موکلرینک برائته قرار ویرلمنی استدعا و مدعی شخصی ایله متهملر ده دیه جکلری اولدیغی انبا ایلرله محاکمه نک ختام بولدیغی طرفینه اکلا دیله رق هیئت مذاکره اوطه سته چکلدی .

مرسوم اوراق ضبط اولندیغی و جهله متهماندن نیقولینک قتیلاً و فات ایدن عنکلیدن طولانی قاتل متهور و بریکلنک دخی آمر غیر مجر اولدیغی دعوی اولمنسه قارشو متهملر ماده قتله دخللری اولدیغی سرد و مدافعه و کللری دخی تحقیقاتی موجب برائت عد ایتدکلرندن محاکمه جاریه دن متحصل بیات و دلائل دریش اوله رق مذاکره به کیریشلکده وقعه کیجه سی رفیق خرسو و متهملردن نیقولی ایله برلکده میخانه به کیدوب بر مقدار عشرت ایتدکن و اورادن قهوه خانه به عزیمتله برده قهوه ایتدکن صکره یکدیگرندن آریله رق کندوسی خانه سته عودت ایتدیکی و لیون آلق ایچون تکرار زقاغه چیقدیغنده متهماندن نیقولینک زوجیه سی تلاشلی اولدیغی حالدیه کندوسنه خطاباً امان لازاری نیقولی ییقا آلدی عنکلینک آرق سندن قوشور شونی چویر دیوسولکله اوتیه به برویه قوشمش ایسه ده بوله مدیغندن لیمونی برای اشترا بقال دکانه کیتدیکنده نیقولینک عنکلی بی اوردیغی ایتدیکنی حقوق عمومی به شهودندن لازارینک و لبله وقعه ده ساعت ایک ییق اوج راده لرنده خانه سی اوکنده اوطور مقده ایکن متهماندن بریکلی ایله مقتول عنکلی دیل منازعه سی ایتیمکده اولدقلری صروده نیقولی دخی بالورود مقتول مرقومه صورت مستهجنه ده شتم و سب و کوردیکی مقابله دن طولانی ده کسب حدت و غضب ایدرک و طور بوراده بن شمدی بیارم دهرک خانه سته کیدوب و ییقا اخذ ایله کلوب مقتول عنکلی ایله برلشدکلری معقب مرقوم عنکلینک بن سکا نه یاپدمه اوربورسک دیو سولسنی و مؤخرأ مرقوم نیقولینک بریکلنک زوجیه سی پانوله به کیدوب اوردیغی بیان ایتسی و مزبور نه پانوله نکده یا اولیر ایسه جوانی ویرمی اوزرینه مرقوم بریکلنک بن قویدم اورسونده اولدیغی دیو سولسنی مرقوم

عند السؤال متهملردن نیقولی دبه جکی اولدیغی سوبلیدی .

استیضاح واقع اوزرینه طرفینک توسع تحقیقانه متعلق برکونه مطالبی اولدیغی اکلا شلمغه تحقیقاتک بوندن عبارت ایدوکی بیان اولدقده معاون مومی الیه متهملردن نیقولینک بریکلنک امر و تشویقیه عنکلی بی بالتهور جرح و قتل ایتدیکی و بریکلنک دخی اشبو قتل فعلنده آمر غیر مجر بولندیغی شاهدلرک شهادتی و معاینه راپوری مندرجاتی ایله ثابت اولدیغندن اولو جهله مجرمیتلرینه قرار ویرلمنی طلب وادعا ایلدی .

متهملردن نیقولینک وکیل یا نقویا افندی شهود مستمعه دن هیچ بریسی عنکلینک موکلی طرفندن جرح و قتل ایدلیدیکی سولیدیکی و موکلنک بریکلنک امریه طاعت ایتدیکنه دائر برکونه دلیله دخی دسترس اولنه مدیغی و دباق نیقولی یالکز موکلی اولق لازم کیله جکی و موکلی ایله مقتول بیننده عداوت غیر موجود و الحاصل موکلنک مجرمیتی ایتیمکده ایتدیرمه جک اسباب مفقود ایدوکنی بیان و بریکلنک وکیل واسیل زاخارادی افندی دخی امرک شوق ایچون برشیک تکلیفی لازم کلوب یوقسه شونی یاب دیو مشورت قیلندن اولان سوزلر موجب مسئولیت اولدقدن بشقه موکلنک برکونه امر و تشویقه

فانو قادینک حضور محکمه ده مع القسم و علی الدرجات اخبار ایتلرینه وقوع و فانی حسلیله افاده استیضاحیه سی قرائت ایتدیریلان قریستان قادینک شهادتیه ده اخبارات مشروحه مؤید بولنش و مرقوم عنکلی نک اثر جرحدن متأراً و فات ایتش اولدیغی طیب راپورنده ارانه قلنش و مقتول مرقومک جارحنک متهملردن نیقولی اولدیغی لقیله تعین ایتش اولمنسه و مدافعه تکل کلام اولدقده برآمدک حیات مستعار نی ترک ایتیمکده اولدیغی صروده کتب اختیار ایتسی مأمولک خلاقی و نیقولینک آپوستولک کوکسی دیباغ نیقولینک کندوسی اولدیغی بالیسان مقتولک تعریفه موافق صورته ده اعترافده بولمنی بشقه نیقولی اولق احتیالی سالب وافی کورنمنسه و اخبارات موجوده ده فعل مدعیه مذکورک فاعلی اشبو نیقولی اولدیغی معلن و مرقوم نیقولینک حضور محکمه ده مقتولی قطعاً طایمیدیغی و مقتول ایله منازعه و مشائته ایتدیکی سوبلیدیکی حالدیه استیضاحه مقتولی طایمیدیغی بیان ایتش اولمنی فعلنه ترجان اولان قولنک فاسد و شو صورته ده انکارینک حیز اصابتدن متساعد اولدیغی متضمن بولمنسه مبنی متهماندن نیقولینک مدافعه سته وکیل اولان یا نقویا افندیکن کافه مدافعاتی باطل و الحاصل مرقوم نیقولینک ۳۳۲ سنه سی تشرین اولنک اوتوزنجی کیجه سی ساعت اوج راده لرنده میر آخور جوارنده ترزی عنکلی بی میانه لرنده تحت ایدن منازعه اوزرینه بالتهور جرح و قتل ایتدیکی اسباب مشروده دن متحصل بیات کافیه و فاعلت و جدانیه ایله مرتبه ثبوتیه واصل اولدیغندن اولو جهله قاتل متهور اولق اوزره مجرمیتیه و دیگر متهم بریکلنک مرقوم نیقولی بی امر و تشویق ایتدیکی خبر واحده قالدیغندن و خبر واحده دیگر اماره انضمام ایتیمکله بنای حکم جائز کوریه مدیکسندن آنکده برائته وجاهاً و متفقاً قرار ویرلرک محاکمه اوطه سته عودتله قرار مذکور علناً قرائت اولندقده و برائته قرار ویریلان بریکلنکک جانب ریاستدن سبب آخردن موقوف اولدیغی تقدیرده تخلیه سیلی لازم کله جکی لزومی بیان اوله رق متهم موقتدن چیقارلدقندن صکره معاون مومی الیه مجرم نیقولینک قانون جزانک یوز یتش دردنجی ماده سنک فقره اولاسنه توفیقاً تحدید مجازاتی طلب وادعا و مدافعه وکیل یا نقویا افندی ماده مذکورده ذاتاً محدود اولدیغی و مدعی شخصی یورکی ایله مجرم نیقولی دخی دیه جکلری اولدیغی بیان و انبا ایلرله بوباده کی محاکمه نک دخی اختتامی بالا فها تم تکرار مذاکره اوطه سته کیدلیدی .

جهت جزایمه سی حقه ده مذاکره کیفیت اولندقده

مجرم نيقولينك فعل وحرکتی قانون جزائك يوز
یتش دردنجی ماده سنك فقره اولاسنه موافق وفقره
مذكوره [برکیمسه من غیر تعمد بر شخصی اتلاف
ایتمش ایسه اون بش سنه مدته کورکه وضع اولنور]
عباره سنی ناطق اولدیغندن اشبو حکم قانونی به توفیقاً
وابتدای توقیفی اولان ۳۲۴ سنه سی شوالنک بشنجی
کونندن اعتباراً اون بش سنه مدته کورکه قونلسنه
ومصارف محاکمه اولان جمعاً یوز التمش غروشکده
کندوسندن بالتحصیل عدلیه وزنه سنه تسلیم ایتدیرلسنه
۳۲۲ سنه سی شباطنک یکرمی یدنجی کونی کذلک
وجاهاً ومتفقاً قرار ویریلهرک اصول تفهیمی ایفا
قلندی .

مظنون علیه یوسفک سرسریلکی ثابت اوله مد -
یغندن برائتته

تصور وتصمیمه آملیانی جرح ایلدیکی شهادتله
تیین ایدن ظرفاً زقاغنده ساکن شرتجی نيقونک
اوج ماه حبسیله بر آلتون آلتوب مجروحیه ویرلسنه
بک اوغلی بدایت محکمه سی جزا دائره سنجه قرار
ویرلشد .

مُعَامَلَاتُ اِنْدِيَا هِيَه

مدانیه قضاسی بدایت محکمه سی مدعی عمومی
معاونی وکیلی پولیس کال افندینک تحصیل ایلدیکی
مصارف محاکمه دن ذمتیه اچقه کوردیکی وخلاف صلاحیت
معاملات وحرکاته جرأتله وظیفه سنی سوء استعمال
ایلدیکی خداوندکار ولایتی عدلیه مفتشکنندن وارد
اولان اوراق تحقیقیه محتویاتندن اکلاشلمسنه مبنی
محاکمه آلتیه آلمسنه عدلیه نظارت جایله سندن
مأذونیت ویریلهرک محله تبلیغات مقتضیه اجرا
ایدلشد .

اِغْلَانَاتُ

در سعادت استیناف مدعی عمر بیلکنده :

اوپچوز یکرمی اوج سنه سی مارتنک یدنجی
کونی قاضی کوینده یکی یولده کاحلی شریف اغانک
قهوه خانه سنده دومینا اوپونندن حدتله رک قبری قتل
قصیدیه جرح ایلدیکی ادعاسیله متهم بولنان ومقدما
قریه مذکورده عابدين بکک حمام اوطة لرنده اقامت
ایتمکده ایکن فرار ایدن اوزونجه بولی ، قوری
وکوسه چهره لی ، صاری تربیقلی یکرمی ایکی یاشلرنده

رنجبر کیغیلی علی حقه سنده اصول محاکمات جزائیه
قانوننک اوچپوز یتش برنجی ماده سی موجبسنجه
معامله مقتضیه ایفا ومحاکمه غیابییه سی بالاجرا
نتیجه سنده مرقومک قبری اول صورتله جرح ایلدیکی
ثابت اولهرق قانون جزائک یوز سکسانجی ماده سنه توفیقاً
اوج سنه مدته کورکه قونلسنه واوتوز برنجی ماده
قانونیه موجبسنجه حقوق مدینه دن بالاسقاط اموال
محجوزه سنک اداره ایتدیرلسنه محکمه جنایتدن حکم
اولنمش واصل محاکمات جزائیه قانوننک اوچپوز
یتش یدنجی واوپچوز یتش سکزانجی واوپچوز
سکسان برنجی ماده لرله مواد سائرده سی احکامنه
توفیق معامله اولنمش مرجعه بیلدیرلش اولغله
مذکور اوچپوز یتش سکزانجی ماده نک جمله احکامندن
اولدینی اوزره اعلان کیفیته ابتدار قلندی .

ایکنجی تجارت محکمه سنده :

اقدجه در سعادتده باغچه قپوسنده ۳۷ نومرولی
مغازدهه اجرای تجارت ایتمکده ایکن اخیراً غیوبت
ایدرک الیوم اقامتکاهی مجهول بولندینی علی الاصول
اکلاشیلان اوده سی ایتیموپولو طرفندن بیک ایکپوز
القی لیرا ذمات بدلیله ایکپوز قرق بش لیرا اجرت
مقطوعه سنک ویبع وتسلیم ایلدیکی اموال تجاریه نک
صاتش فضله سنک حسابی بالرؤیه تیئن ایده جک
مطلوبنک وکذلک بدل ایجاردن آله جنی اولان یوز
لیرانک مع فائض ومصارف محاکمه تحصیل دایر بیوک
یکی خنده مقیم تجاردن فندقلیان آرداشک علیهنه
اقامه ایتدیکی دعوانک ایکنجی تجارت محکمه سنده
اجرا قلنان محاکمه سی نتیجه سنده مدعی ایتیموپولونک
مومی الیه فندقلیان افندییه قارشو جهات مختلفه
مشروحه دن طولانی اولان معارضه سنک منعیله مصارف
محاکمه نک دخی مدعی مومی الیه تحمیلنه دائر محکمه
مذکورده دن صدور ایدن ۱۶ مارت سنه ۳۲۳ تاریخ
و ۵۰۳ نومرولی اعلام وجاهینک برقطعه صورت
مصدقه سی اوده سی ایتیموپولونک اقامتکاهی مجهول
اولسی حسبیله اصول محاکمه حقوقیه قانوننک یوز
قرق طقوزنجی ماده سنک فقره اخیرده سی موجبسنجه
تبلیغ ایدلش عد اولنمق اوزره محکمه نک دیوانخانه سنه
تعلیق اولندینی کبی اوراق حوادث واسطه سیله دخی
اعلاننه ابتدار قلندی .

ار ضررم تجارت محکمه سنده :

ار ضررمده آت میدانی چارشوسنده مقیم بزاز
اصنافدن مادغاشیان ستراک ۹ مایس سنه ۳۲۳
تاریخنندن اعتباراً موقتاً اعلان افلاسنه ومعاملاتنه نظارت

ایتمک اوزره محکمه اعضای موقته سندن قردبت
افندینک ژوز قومیسر ودعوی وکیللرندن بریان
فلوس واصحاب مطلوبدن دیرملکسینان اوخالس
افندیلرک ومومی الیه اوخالس افندینک یرینه عبدالله
افندی زاده فاضل بکک موقت سننک تعینلرینه
ومغازده کی دفاتر واشیاسیله خانه سنده بولنان اشیا
زائده بیتیه سنک تمهیرینه وکندوسنک کفالت معتبره
ارائه ایده مدیکی تقدیرده توقیفنه واشبو حکمک موقتاً
اجراسنه ار ضررم تجارت محکمه سنجه قرار ویرلش
اولدیغندن قانوننامه تجارتک ۱۷۰ نجی ماده سی
موجبسنجه دائمی سننیکلر انتخاب اولنمق اوزره ۳۲۳
سنه سی تموزینک بشنجی پنجشنبه کونی ساعت یدی
راده لرنده اصحاب مطلوبک ار ضررمک عربکرلیر
چارشوسنده کائن سننیکلرندن فاضل بکک یازیخانه سنده
متشکل ماصیه مراجعت ایلیری اعلان اولنور .

ازمید سنجانی بدایت محکمه سی اجرا دائره سنده :

ازمیدده صراف قداوجیان کرقور افندینک
ازمیدده تابع دکرمان دره قریه سندن چابی زاده
حسین بک ذمتنده برقطعه اعلام نظامی موجبسنجه
آله جنی اولان مبالغ معلومه نک تأمین استیفاسی ایچون
مدیون مومی الیه ک دکرمان دره قریه سنده محارلر
موقعنده کائن صاحب سند ذلیخا خاندن آلمش
اولدینی ترلا ایله نعلبند حاجی حسن اغا قوریسی
صاحب سندک بیراقدار اوغللری ایله چلبی محمددن
آلدینی ترلالر ایله محدود چلبی محمد اولادلری عمر بک
وهمشیره سی ذلیخا خانم ایله مشترک یوز اون بش
دونمی حاوی برقطعه ترلاده کی ربع حصه سی بیک
یوز وینه قریه مذکورده نک پایلر موقعنده کائن حدود
اربعه سی حسین بک ترلاسی ومصطفی افندی والده سی
ذلیخا خاتون ترلاسی وقبایقی باغچه سی وحاجی عمر
کشتخا اولادلری ترلاسیله محدود مستقلاً عهدده سنده
اولوب اون الی دوم اوج اولک برقطعه ترلانک بیک
غروشکه جمعاً ایکپیک یوز غروشه طالبی عهدده سنده
تقرر ایتش اولدیغندن بوندن زیاده یعنی یوزده بش
ضم ایله طالب اولانلرک تاریخ اعلاندن اعتباراً او توز
برکون ظرفنده دائره اجرایه مراجعتله پی سورملری
لازم کله جکی ومدت مذکورده نک انقضاسنی متعاقب
قرار قطعیسی کشیده قلنه جغندن آندن صکره ضم
قبول اولنیه جنی ازمید سنجانی بدایت محکمه سی
اجرا دائره سندن اعلان اولنور .